

HOF TA RECHASA DESEONAN DI ABOGADONAN DEN CASO DIAMANTE



WWW.SOLODIPUEBLO.COM



SOLODIPUEBLO@GMAIL.COM

Capturando momentonan
inolvidabel pa mas cu 18 aña

A RECONOCE SEEVER KROZENDIJK PA SU AÑANAN DI TRABOU CU COMITE OLIMPICO ARUBANO



DIAHUEBS HUES TA DICTA SENTENCIA DEN CASO DI MATAMENTO DEN PINDASTRAAT

COLABORACION REGIONAL TA IMPORTANTE INSIGHT CRIME A PRESENTA: BISTI RIBA CRIMEN DEN REGION CARIBENSE



MEDIDA PA GARANTISA CU CASONAN NO AUMENTA PA EVITA MAS CONTAGIO A LIMITA BISHITA NA KIA



BAN BUSCA WEBO NA PLAYA PABAO

Playa Pabao – Directiva di Centro di Bario Playa Pabao ta anuncia su proximo actividad cu lo ta “Ban Busca Webo na Playa Pabao”.

E Actividad aki ta tuma lugar diadomingo 20 di april, mainta di 9’or pa 11’or na nos Centro. Riba e dia aki tin buscamento di webo pa muchanan

di 4 aña te cu 8 aña. Mayornan por inscribi nan yiu(nan) di dialuna pa diahuebs mainta di 9’or pa 12’or y despues di merdia di 1’or pa 6’or. Diasabra mainta di 9’or pa 11’or un miembro di directiva lo ta na Centro pa tuma inscripcion. Pa e actividad aki directiva di Centro di Bario

Playa Pabao ta cobra un contribucion di 5.00 florin. Muchanan lo ricibi un “hotdog” y “juice” y naturalmente nan tin e oportunidad pa gana un premio.

Pa motibonan organisatorio directiva di Centro di Bario Playa Pabao ta hasi un apelacion riba mayornan



pa inscribi nan yiu(nan) na tempo y no warda te na ultimo momento.

Ultimo dia pa inscribi ta diahuebs mainta 19 di april.

PARLAMENTARIO DANGUI ODUBER (MEP): DECISION CU NOS A TUMA NA DECEMBER 2024 PA PENSIONADONAN NO PAGA MAS PA REMEDI TA DRENTA NA VIGOR 1 MEI 2025

Durante campaña nos a informa comunidad cu awor cu e situacion financiero na AZV a

drecha tin espacio pa duna bek y tin espacio pa para e cobranza di remedinan positivo na pensionadonan.

Ta pesey na december 2024 nos a tuma e decision aki pa asina AZV por haci tur e preparacionan y cambionan necesario. Lamentablemente e proceso a tuma mas tempo di loke nos a pensa pasobra e intencion tawata pa entrante 1 di maart 2025 esaki drencia na vigor.

AZV a informa cu e tin “retraso” cu e ehecucion

y pesey a cambia e fecha y awor e fecha nobo lo bira 1 di mei 2025.

Mi ta contento cu nos por a tuma e decision aki pa trece alivio pa nos pensionadonan y sigur kier a disculpa pa cu e esaki. E tawata un condicion imponi pa gobierno di Hulanda durante pandemia pa Aruba por a haya e prestamo di Afl. 916 miyon. Cu esaki nos a priminti cu nos lo percura pa kita e peso aki bek manera cu e tabata posibel y financieramente responsabel y nos a cumpli!



Capturando momentonan inolvidabel pa mas cu 18 aña **A RECONOCE SEEVER KROZENDIJK PA SU AÑANAN DI TRABOU CU COMITE OLIMPICO ARUBANO**



Na final di e asamblea extraordinario di diasabra ultimo a prepara algun sorpresa, unda den presencia di 20 federacion deportivo, a reconoce entre otro Seever Krozendijk, cu recien a dicidi di tuma un paso diferente den su bida personal y a retira como parti di e ekipo di “media” di COA. Seever a cuminsa su trayectoria 18 aña pasa, unda como miembro di e “press team” di COA, a captura un gran cantidad di momentonan inolvidabel dis nos delegacionnan cu a participa na entre otro Weganan Olimpico, Weganan Panamericano y mucho mas. Seever a presencia e gran avance den e mundo di media, unda den su inicio cu COA, tabata enfoka mas riba potret y relato pa prensa (printed media) y unda awendia den e mundo moderno ta traha riba un gran cantidad di videos y “reels” y hasta

“TikToks”. Apesar di tur cambio, Seever a muestra di por adapta y a logra bay cu e tempo, y asina semper provee contenido di nos deportenan di calidad.

Den number di Comité Olimpico Arubano, nos ta gradici Seever pa tur su añanan di dedicacion, pasion y compromiso pa deporte, no solamente pa COA, si no pa e mundo di deporte na Aruba en general. Nos ta sigur cu bo lo keda involvi den deporte den un manera of otro pa hopi tempo mas, aportando na nos comunidad. #TEAMARU

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500



The Aruba Ports Authority N.V. is publicly tendering:
The construction of Fiesta Plaza – Phase 1 in Oranjestad.
**According to the tender document for
Capex Project APA-PFAU-9-25**

‘Construction of Fiesta Plaza – Phase 1’

Short Project description:

The project consists of the following activities:

Groundwork • To build a new plaza • To install pavers and concrete flooring
To build two (2) structures/ shading with vinyl and framing • To build a podium
Irrigation system • Electrical and light systems

The tender documents will be available for purchase from **April 15, 2025, up to April 17, 2025 until 4:30 pm local time**, via e-mail tender@arubaports.com against a payment of **Afl. 600.00**.

The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **April 17, 2025, at 4:30 pm local time**.

Bank Account Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description/Reference: RFP APA - PFAU - 9 - 25

For additional details of this tender, visit
<https://www.arubaports.com/main/construction-of-phase-1-fiesta-plaza/>
or scan this QR code.





Noticia di Corte

DIAHUEBS HUES TA DICTA SENTENCIA DEN CASO DI MATAMENTO DEN PINDASTRAAT

ORANJESTAD – Diahuebs mainta Hues ta dicta sentencia den e caso penal cu Ministerio Publico a cuminsa contra Gregory Junior Zuleta Rave (22), kende ta wordo sospecha di a mata Corniel Tejada riba 3 Juli 2024, den un cas den Pindastraat.

CASTIGO DI 9 AÑA DI PRISON EXIGI

Dia 14 di Maart 2025, tratamiento di e caso a tuma lugar. Durante tratamiento di e caso, Zuleta Rave a para riba cu el a defende su mes contra e victima Corniel Tejada. Fiscal no ta haya cu Zuleta Rave a defende

su mes sino cu a dal mata e victima Corniel Tejada. Fiscal a exige 9 aña di prison pa Zuleta Rave. Dialuna 31 Maart 2025 mainta Hues di Corte den Promer Instancia a sera tratamiento di e caso penal contra Zuleta Rave (22) y a bisa cu dia 17 April 2025, e lo dicta sentencia.

Dia 1 April 2025 mainta, Hues a ordena pa laga Zuleta Rave liber. A haya confirmacion di esaki serca e abogado di Zuleta Rave, mr. Canwood. E abogado, durante tratamiento di e caso dia 14 di Maart 2025 a bisa Hues cu Zuleta Rave a actua den defensa propio

contra Corniel Tejada y ta haya cu mester declara Zuleta Rave liber.

Casi tur momento cu Hues duna orden pa laga un sospechoso liber, ta pasobra Hues tin un otro opinion cu Fiscal. Diahuebs mainta lo haya sa e decision di Hues.

CENTRO DI HUSTICIA: A HONRA E LIDER Y HEROENAN DEN CUERPO POLICIAL

Dialuna 14 di april, Minister di Husticia, mr. drs. Arthur Dowers, a haci un bishita oficial na Centro di Husticia na Macuarima den cuadro di un celebracion significativo pa Cuerpo Policial di Aruba (KPA). Durante e acto, Alto Comisario Ramon Arnhem a oficialmente devela un “Wall of Fame” cu ta honra esnan

cu a sirbi comunidad di Aruba cu pasion y dedicacion den funcion como miembro di polis, desde nos Status Aparte. E “Wall of Fame” ta un iniciativa di Cuerpo Policial cu ta rindi honor na cada un cu a guia y dirigi e Cuerpo cu integridad desde e comienso di su existencia como KPA. Ademas, a devela un segundo “Wall of Fame” pa honra especificamente tur Alto Comisario cu a ocupa e cargo mas halto den liderazgo di KPA durante e añanan.

Minister Dowers a expresa su aprecio profundo pa e esfuersonan di Cuerpo Policial di Aruba pa reconoce y celebra esnan cu a carga e responsabilidadnan di e institucion den tur



circunstancia, tanto den tempo di logro como den retonan di dia. Esaki ta un homenahe mereci pa esnan cu a dedica nan bida na proteccion di

nos comunidad, desde e rango mas abao te cu e liderazgo mas halto. E acto di reconocemento ta refleha un compromiso continuo pa fortalece e

dignidad di nos Cuerpo Policial y pa preserva su historia y legado, como pilar di nos sistema di husticia y di nos comunidad Arubano.



FUNDACION CINEARUBA CELEBRANDO 15 AÑA CU PLAYA FILM FESTIVAL



Riba 15 di april 2010 fundacion CINEARUBA a keda funda pa cineasta Juan Francisco Pardo. Diescincio aña despues fundacion CINEARUBA a logra realisa diferente proyectonan for di pelicularnan cortico pa pelicula largo, un mini series y un serie di proyectonan creativo enfocando riba desaroyo di talente manera un club di actuacion hubenil, tayernan di actuacion di voz, musica y audiovisual. E fundacion a realisa tayernan cu scolnan y den barionan. Actual CINEARUBA ta dunando les di musica na e muchanan y hobennan na YMCA Dakota y San Nicolas, esaki ta un proyecto di cuatro aña cu lo finalisa na 2026.

Desde 2017 presentacionnan di pelicularnan ta forma gran parti di e programa di e fundacion. Awendia e fundacion ta organisa Playa Film Festival, cual ta celebrando su di cinco edicion e aña aki. Playa Film Festival lo tuma luga

na prome fin di siman di october for di 3 pa 5 di october na Caribbean Cinemas. Pa prome biaha e festival lo ta den salanan di cine y cu un tapijd cora pa asina hunto cu e publico celebra su di cinco aniversario y e di diescincio aniversario di fundacion CINEARUBA.

E interes internacional pa participa na Playa Film Festival ta grandi y na e momento aki tin pelicularnan di Merca, Francia, Poland, Hulanda, India, Grecia, Alemania, Brazil, Turkia, Serbia, Mexico, Republica di Korea, Spaña, Corsou, China, Sint Maarten, Rusia, Romania, Portugal, Peru, Republica di Moldova, Moroccco, Hungray, Croatia, Inglatera, Finlandia, Estonia, Republica Dominicana, Colombia, Switzerland, Australia y Austria.

Pa haci e celebracion special Playa Film Festival lo tin un premio cash pa e miho pelicula local. Registracion di pelicula pa consideracion



ta via filmfreeway.com/playafilmfestival y e ta gratis. Pelicularnan cu ta cumpli cu tur reglanan lo sigui pa e fase di seleccion. E reglanan ta describi riba e pagina di registracion. Den e fase di seleccion un comite lo haci un seleccion oficial di e pelicularnan cu lo bay competi na e festival. Loke ta haci un pelicula atractivo pa seleccion ta principalmente e storia,

e urgencia di e storia, e topico y e duracion di e pelicula. Pa e categoria local ta enfoca riba

primicianan mundial, pelicularnan cu pa prome biaha lo wordo mira pa un publico na e festival.



ALTOCOMISARIO CU PRESENTACION NA ROTARY CLUB OF ARUBA



MACUARIMA, ARUBA: Riba invitacion di Rotary Club of Aruba, altocommisario sr Ramon Arnhem como tambe hefe di departamento di comunicacion di Cuerpo Policial Aruba a haci un bishita na Rotary Club of Aruba.

Altocommisario sr. Arnhem a tene un sesion inspirativo tocante liderazgo como tambe e parti di servicio di e perspectiva di polis.

E tabata un bunita sesion di coneccion den cual e esensia comun tabata "Hunto y traha hunto ta e base pa un bida digno hunto y un comunidad

sigur."

Danki na Rotary Club of Aruba, pa e hospitalidad y contribucion valioso na nos bunita comunidad di Aruba.

Banda di e session, a establece un base pa futuro colaboracion entre Cuerpo Policial Aruba y Rotary Club pa cu den futuro.



MINISTERIO Y DEPARTAMENTO DI CULTURA ARUBA TA ANUNCIA
FAYECIMIENTO DI



MAGNA MARIA MAGDALENA MOLINA MERENCIA

"The 5 M's Diva"

22 di juli 1944 – 8 di april 2025

Na bida Mama di nos Colega Yuraima (Julie) Merencia

Ministerio y Departamento di Cultura ta expresa palabra di
condolencia y forsa na henter famia y conocirnan.



Cu Sra. Magna sosega na paz.

Prome Minsiter Mike Eman

GABINETE AVP-FUTURO TA INTENSIFICA Y REFORSA SIGURIDAD RIBA BEACH

“Gobierno a sinti e necesidad pa yama un reunion entre diferente stakeholders pa locual ta trata siguridad na nos beachnan y siguridad na lama especificamente,” minister-president mr. Mike Eman a declara na salida di un reunion cu dialuna atardi hunto cu minister di Turismo, Transporte y Labor, mr. Wendrick Cicilia. Esaki den conexon cu algun incidente di ultimo siman cu a trece preocupacion den comunidad. Na bispo di un fin di siman di Pasco Grandi unda cu tin hopi ocupacion riba nos lama, hopi actividad y famianan cu ta bini hunto pa disfruta di nos beachnan manera tur aña. P’esey segun minister-president: “Nos ta haya ta importante pa e dlanan aki e siguridad tanto riba nos beachnan, den nos cayanan, pero tambe especificamente riba lama ta reforsa.”

Encuentro cu varios entidad

Den e reunion aki gobierno a invita altocomisario di polis y tur stakeholders trahando caba riba siguridad di nos beachnan manera strandpolitie, maritieme Politie, hunto cu ATA (Aruba Tourism Authority) y AHATA (Aruba Hotel And



Tourism Association. Esaki tabata un encuentro pa asina enfoca riba kico lo bay haci pa intensifica siguridad durante di e siman aki. Diferente idea a bini pa dilanti anto a envolve tambe Cruz Cora den esaki cu den pasado a hunga un rol den e permanencia structural riba nos beachnan. Cruz Cora lo hunga un rol importante tambe durante e siman aki pa por sigui intensifica control riba nos beachnan, especificamente riba landamento y den lama.

Cruz Cora riba nos beachnan
Names momento, gobierno a pidi Cruz Cora pa haci un evaluacion pa mira si

dentro di nan organisacion tin disponibilidad pa ta parti di un control permanente riba nos beachnan. Caminda cu Cruz Cora lo por hunga un rol importante cu subsidio di gobierno of ATA y AHATA cual ta algo cu lo tin cu mira ainda segun e premier. “Nos ta contento cu tur stakeholders na mesa a muestra boluntad. Pero cu tambe ya nan ta tumando cierto pasonan pa garantisar siguridad den e area pero tambe especificamente riba nos beachnan. Nos ta contento cu e resultado di esaki, pero e ta bay existi un ‘follow up’ intensivo pa cosnan no keda na palabra, pero ehecuta tambe,” minister-president a comenta.

Responsabilidad di gobierno

Cada un persona cu nos perde den lama, sea ta turista of local, ta un persona di mas “e ta haci dolor, y nos kier ta mas alerta,” segun prome minister ta expresa. Gobierno a tuma iniciativa pa bini cu tur hende hunto na mesa y pensa diferente idea y solucion. Na mes momento cu tabata tin tur hende na mesa como di dos punto di agenda a tuma e oportunidad pa papia riba e vigilancia aki mas structural.

Pues no unicamente pa organisa esaki durante Pasco Grandi, pero pa tin semper siguridad di nos

turismo y nos hendenan na prome luga. A yega na algun conclusion caminda cu diferente tema acorda den pasado cual no a keda ehecuta un rapport di binticinco punto unda cu unicamente dos so a keda ehecuta gobierno awor lo bay over na revisa e rapport aki.

Ta hopi importante pa e stakeholders keda cu confiansa tambe ora cu sinta na mesa, yega na un acuerdo, pa nan por ta sigur cu nan tempo ta aprecia y cu lo tin ‘follow-ups’ pa temanan asina importante cu ta relata na siguridad di lama. E rapport aki lo keda wordo revisa pa duna contenido na loko ta mehoracion di siguridad riba lama.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



COLABORACION REGIONAL TA IMPORTANTE

INSIGHT CRIME A PRESENTA:

BISTI RIBA CRIMEN DEN REGION CARIBENSE



MACUARIMA, ARUBA: BaoencargodieCollegevan Korpschefs, departamento Insight Crime a duna un presentacion na e lidernan/ hefenan den Cuerpo Policial Aruba. Esaki ta den cuadro pa traha un analisis como tambe tin un bista di criminalidad den nos region.

E presentacion a encera e desaroyo di criminalidad den e area Caribense. Claramente e desaroyo di asuntonan di seguridad den nos region ta den pleno desaroyo.

Colaboracion regional ta di suma importancia contra criminalidad transnacional.

E College van Korpschefs ta hunga un papel di sumo importancia den conhuntro via un agenda regional como tambe iniciativanan innovativo.

Un bon ehempel di esaki ta e War Room na Corsou na unda e cuerpo policialnan den e Reino Hulandes, Koninklijke Marechaussee y Defensa ta intercambia informacionnan y conhuntamente triba riba intervencionnan



Feliz Pasco di Resurreccion, Aruba!

En conexon cu Pasco di Resurreccion nos lo ta
cera henter dia ariba Diahuebs 17, Diabierna 18
y Dialuna 21 di april 2025



Den caso di emergencia por yama libremente nos Storingsdienst na 523-7147.

Ministerio Wendrick Cicilia

PASO CONCRETO PA FORTALECE SIGURIDAD DEN AREA TURISTICO COORDINACION MULTI-INSTITUCIONAL

Dialuna 14 di april, Minister di Turismo, Transporte y Labor mr. Wendrick Cicilia hunto cu Prome Minister Mike Eman a reuni cu diferente instancia gubernamental y stakeholders e.o. Cuerpo Policial Aruba, AHATA y ATA pa trata e retonan cu a surgi den sector turistico, particularmente relaciona cu siguridad riba nos isla y nos beachnan.

E reunion a tuma luga despues di varios incidente recientemente cu a trece preocupacion den comunidad y den sector turistico; su meta principal tabata pa traha riba un plan di maneho structural y strategico cu ta cubri solucion tanto a corto como a largo plaso. Un enfoque integral y coordinacion multi-institucional E gabinete actual a duna atencion integral na e preocupacionnan y a

enfatisa cu siguridad ta un prioridad nacional. Durante e reunion a repasa e diferente momento di preparacion y accion tuma pa fortalece e infraestructura di siguridad, particularmente durante e periodonan di actividad intensivo manera e siman di Semana Santa. Cuerpo Policial y Strandpolitie a presenta nan strategia na Ministerio di Turismo, y Tourism Security Patrol Aruba (TSPA) a asumi un rol mas prominente den mantencion di orden y proteccion riba nos beachnan.

Rol di boluntario y sostenibilidad Cruz Cora ta brinda un yudansa crucial den e fin di siman, sigurando un presencia voluntario di e profesionalnan capacita pa duna prome auxilio, incluyendo asistencia vital



manera CPR. AHATA, como un di e partnernan clave, a indica cu lo sigui duna sosten logistico na Cruz Cora pa garantiza continuidad den e responsabilidadnan riba nos beachnan.

Compromiso pa proteha nos turismo

Minister Cicilia a enfatisa cu siguridad mester keda garantisa constantemente, pero particularmente den e dianan mas ocupa

cu nos tin nos dilanti. E reunion ta muestra un esfuerzo colectivo pa yega na un enfoque coordina cu ta pone bienestar di tur hende, tanto residente como bishitante, central den tur decision.

HOF TA RECHASA DESEONAN DI ABOGADONAN DEN CASO DIAMANTE

Corte Superior di Husticia a rechasa awe tur peticion di abogadonan di e sospechoso A.A.H. pa mas investigacion den e caso penal conoci como 'Diamante'.

Durante e tratamiento den apelacion di 25 di maart ultimo, abogadonan di

e sospechoso a pidi pa scucha varios testigo y pa agrega documentonan adicional na e dossier di e caso.

Corte Superior di Husticia a rechasa e peticionnan di e abogadonan debi na insuficiente hustificacion

y insuficiente necesidad. Anteriormente Ministerio Publico a tuma e mes postura aki.

Cu e decision aki, e caso penal lo continua sin cu mas documento wordo agrega of cu mas testigo wordo scucha.

Clasificados



SOLODIPUEBLO@GMAIL.COM

CEL.585 9500

EASTER BRUNCH AT THE SUNSET GRILLE, A FESTIVE AFFAIR

Palm Beach. -- The newly renovated Sunset Grille celebrates Easter on April 20th from 11 am to 2 pm with a special event, serving unlimited à la carte brunch with endless Henriot Champagne flutes.

Easter Brunch at the Hilton Aruba Caribbean Resort & Casino is a beloved tradition that brings together friends and family members to celebrate togetherness, old and new connections, across all age groups young and old, sharing delicious food in an indoor setting that blends the restaurant's classic style with patrons' contemporary taste in a fresh perspective.

Among menu Highlights: Shakshuka, Lobster Benedict, Oyster & Caviar, Tuna Tartare, Smoked Duck, Scallops, Braised Short Ribs and more. For those who prefer their desserts liquid, the menu also features the Espresso Martini and White Chocolate Raspberry Martini, among other sweet sensations.



Brunch, that perfect blend of breakfast and lunch is made even more special with Henriot Champagne, from the Reims region in Champagne, France. The prestigious House of Henriot was founded in 1808 and has been producing award-winning, luminous Champagne ever since.

For the full menu visit the website <https://sunsetgrillearuba.com/easter-brunch/>, book online through open table or call 526-6612.

The Sunset Grille, Aruba's only alfresco steakhouse, offers prime cuts of meat, fresh seafood, shareable plates and signature specialties crafted with timeless sophistication. The restaurant has been an island favorite for over two decades, blending its legendary brand of hospitality with culinary innovation. Open nightly for dinner at 5.30 pm or visit Sunset Bar for handcrafted cocktails, before or after dinner, or anytime during the day for a small bite and a refreshing drink.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - April 15, 2025

	Sorteo # 8522	0808	8169	9001		X2		Sorteo # 7566	2512		FP		Sorteo # 2271	6822		Sorteo # 6325	4978	Cancer		Sorteo # 1255	293		X5
--	---------------	------	------	------	--	----	--	---------------	------	--	----	--	---------------	------	--	---------------	------	--------	--	---------------	-----	--	----

	Sorteo #	Joker	Letter
0 x Jackpot		Proximo Jackpot	
0 x Match 4+		320.000,-	
0 x Match 4			
0 x Afl. 12,00			

	Sorteo #	01-04-07-14-25
0 x Jackpot		Proximo Jackpot
6 x Match 4		58.000,-
167 x Afl 8,00		

	Sorteo #	Mega Ball
0 x Jackpot		Proximo Jackpot
0 x match 4		380.000,-
0 x Afl. 500,00		
0 x Afl 50,00		
0 x Afl.15,00		

	Afl. 580.000,-
--	----------------

Sorteo #

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - April 15, 2025

	Sorteo # 4595	0484	8454	8211		FP		Sorteo # 4595	5794		X2		Sorteo # 2651	0369		Sorteo # 4595	9034	Tauro		Sorteo # 1469	312		X2
--	---------------	------	------	------	--	----	--	---------------	------	--	----	--	---------------	------	--	---------------	------	-------	--	---------------	-----	--	----

	Sorteo #	Joker	Letter
0 x Jackpot		Proximo Jackpot	
0 x Match 4+		320.000,-	
0 x Match 4			
0 x Afl. 12,00			

	Sorteo #	Proximo Jackpot
0 x Jackpot		58.000,-
0 x Match 4		
0 x Afl 8,00		

	Sorteo #	Mega Ball
0 x Jackpot		Proximo Jackpot
0 x match 4		380.000,-
0 x Afl. 500,00		
0 x Afl 50,00		
0 x Afl.15,00		

	Afl. 580.000,-
--	----------------

Sorteo #

DIA 1 DI JUNTES POR LOS DERECHOS DE LA NATURALEZA:

DERECHO DI NATURALESA TA E ACCION CU INTENCION, PASO ORA NOS DEFENDE NATURALESA, TA NOS MESUN SOBREVIVENCIA NOS TA DEFENDIENDO



Dialuna mainta lider di RAIZ, Ursell Arends hunto cu grupo di defensorsnan di Mama Tera di Puerto Rico, y invitadonan di Latino America y Caribe, a bini hunto na Rio Piedras pa duna inicio na e evento di tres dia, "Juntos por los Derechos de la Naturaleza".

A duna reconocimiento y honra e rio como ser bibo cu mester wordo protegi contra amenaza di proyecto di desaroyo di un canal. E ceremonia a wordo coordina door di un coalicion di diferente grupo cu ta mantene e rio, bisiñanan di e area cu a bini hunto pa salvaguardia e rio y funghi como no solamente su defensor pero su boz. Cu un canto emocional, poema y yamada na antepasadonan uzando calco, a conclui e ceremonia pa continua

na e parti informativo di e dia.

Dos sesion informativo unda e ekipo di Para la Naturaleza a splica e historia di Rio Piedras, muhenan indigena a elabora detayadamente nan lucha continuo pa naturalesa su derecho di exisiti. Pa nan, derecho humano y derecho di naturalesa ta uno, paso si bo destrui un bo ta destrui e otro. Tambe a enfatisa e importancia di boz colectivo mundialmente pero sigur comunitario pa sigui avansa esfuersonan pa proteha naturalesa den su totalidad, specialmente riba un isla.

Arends ta mira similaridad cu Aruba mirando cu nos ta na un etapa unda nos ta reconectando bek cu naturalesa como comunidad. Naturalesa

ta demandando su importancia y tin e pueblo su tras. Tur loke nan a siña nos cu ta economia di Aruba ta wordo descalibra paso awo nos ta realisando cu nos economia ta naturalesa. Prome no tabata tin tera fertil pa e informacionnan aki, pero awo si. Pa cual motibo ora nos hendenan na Aruba demostra curashi pa para pa naturalesa, pa proteha esaki, nos tin cu apoyanan paso ta rekeri un comunidad pa haci diferencia. Durante e ultimo sesion e publico a trece esaki dilanti, nos no mester laga e responsabilidad cay solamente riba ambientalistanan so, ora mester para pa lo corecto, nos tur tin cu haci esaki colectivamente paso na final di dia ora naturalesa florece, ta nos tur ta prospera y ora naturalesa



wordo perhudica, ta nos tur ta sufri consecuencia di esaki.

Un punto cu a wordo subraya durante dia 1 ta e necesidad di cambio di perspectiva ora nos ta papia di naturalesa. Naturalesa no ta recurso pa bida, sino naturalesa ta e fuente di bida. Derecho di Naturalesa ta e accion cu intencion, paso ora nos defende naturalesa, ta nos

mesun sobrevivencia nos ta defendiendo.

"Ta un bunita experiencia pa mira ora comunidad ta bin hunto pa empodera otro pa ta e boz y defensor di naturalesa den su totalidad. E lucha pa derecho di naturalesa no conoce frontera y den Caribe mas pais ta realisando cu esaki ta un lucha colectivo", Ursell Arends ta expresa.



E LASONAN TA PROFUNDO

PROME MINISTER MIKE EMAN TA REUNI CU MINISTER DI ASUNTONAN DI EXTERIOR DI SURINAM ALBERT RAMCHAND RAMDIN

Dialuna 14 di april, Prome Minister di Aruba mr. Mike Eman a duna un cordial bonbini na Minister di Asuntonan di Exterior di Surinam Albert Ramchand Ramdin na e edificio di gobernacion pa un reunion oficial cu ta enfatisa e relacion fuerte y duradero entre Aruba y Surinam. Durante e reunion, Sr. Ramdin a felicita Prome Minister Eman cu formacion di e gabinete nobo y a expresa su deseo pa sigui fortalece e relacionnan bilateral. Sr. Ramdin lo asumi su cargo nobo oficialmente como Secretario General di e Organizacion di Estadonan Americano (OEA) dia 26 di mei, un rol clave den desaroyo hemisferico. Oportunidad comercial y cooperacion regional


E bishita di e mision comercial na Surinam cu a tuma lugha algun luna pasa, y e bishita di Presidente di Surinam, Sr. Chan Santokhi, na Aruba na october di aña pasa, durante cual a firma un Memorandum of Understanding (MoU), ta reforsa e oportunidadnan

comercial entre e dos paisnan ruman. E MoU aki ta habri caminda pa diferente oportunidad comercial y ta reforsa e cooperacion regional. Durante e reunion, a discuti riba e contenido di e MoU, y tambe riba e preocupacion actual relaciona cu e situacion geopolitico mundial, cu ta crea tension pa e importadonan Arubano cu ta busca alternativanan pa suministracion di producto di consumo. A pesar di e desafionan den transporte maritimo, particularmente pa container entre Surinam y Aruba, e mision comercial di aña pasa a demostra cu tin hopi potencial cu por explora.

Un laso historico y familiar cu ta uni nos pueblo

Prome Minister Eman a gradici Minister Ramdin pa su bishita oportuno, reconociendo cu den un mundo di incertidumbre global, un bishita manera esaki ta demonstra e importancia cu Surinam ta duna e relacion cu Aruba. Eman a destaca e laso historico entre Aruba y Surinam, indicando cu hopi Arubiano tin rais familiar na Surinam y vice versa.

“Ta un honor pa nos pa por ricibi bo aki. E relacion entre Aruba y Surinam ta bay bek hopi aña, nos a comparti tempo hunto den Reino Hulandes, y



awe den nos comunidad nos por mira hende naci na Surinam cu ta biba na Aruba, y tambe Arubiano cu ta biba na Surinam. E lasonan ta profundo, historico, y nos tin responsabilidad pa sigui traha riba esaki,” segun

Prome Minister Eman. Na final di e encuentro, Prome Minister Mike Eman a obsekia Minister Ramdin un cuadro di un casita Arubano cu ta simbolisa e pensamiento di sostenibilidad cu ta biba na Aruba desde hopi decada.

Na su turno, Minister Ramdin a presenta un obsekio simbolico di gran balor cultural di su pais na Prome Minister Eman, como muestra di respet y aprecio pa e relacion estrecho entre e dos paisnan.



FORTALEZA PA FAMIA

irbi pa Pastor Marcel Balootje.

PA MEDIO DI ORACION NOS TA DESTRUI TUR PLAN DI DIABEL

No paga malo cu malo, pero vence malo cu bon.

Hopi biaha ora algo sosode nos ta ataca otro venga otro, rabia cu otro, amarga nos curason, y keda riba cosnan bieu, pero pa falta di sabiduria, nos no ta mira e plan di diabel den e asunto.

Pesey e palabra di Dios ta bisa nos den Santiago 4:7 : Pesey somete boso mes na Dios , Resisti e diabel y e lo huy bay for di boso.

Cu ayuno, oracion, alabansa, y palabra di Dios nos ta pone e diabel na careda den nomber di Cristo Hesus.

Laga nos no lubida locual ta para scirbi den Juan 10:10 cu e diabel ta bini solamente pa horta mata y destrui, y esaki ta hopi serio, ora nos cay den cualkier tipo di desobedencia, e enemigo ta bini cohe un cos chikito hacie grandi , cu hasta por causa nos bida.

Bijbel ta adverti nos tur, cu nos tin un adversario, pa nos no mira e malbado como amigo bisando: Sea sobrio, sea alerta, Boso adversario , e diabel,ta cana rond manera un leon buscando ken e por devora.

E diabel ta disfrasa na tur cos, basta e por alcanza pa causa problema den hogar y especialmente

den matrimonio, pasobra ora e cos no ta bon entre e mayornan, nan no por educa nan yuinan, pasobra enbes di uni, nan ta pleita, enbes di para hunto, nan ta planea divorcio, y asina tambe e diabel ta gara e muchanan, pasobra mayornan no tey pa disciplina y coregi den e amor di Cristo Hesus.

Pesey nos mester laga cosnan bieu bay y pone nos bista completamente riba Cristo Hesus, pasobra e palabra di Dios ta bisa : Pa encuanto boso manera di biba di antes, boso pone un banda,e hende bieu cu ta wordo corumpi, conforme e pasionnan enganoso, pa boso wordo renoba den e spirito di boso mente, y pa boso bisti e hende nobo cu a wordo crea segun Dios, den husticia y santidad berdadero. (Efesionan 4:22-24).

Tene cuenta cu e cos nan cu diabel kier pa hende haci y cu tur hende mester reprende den nomber di Cristo Hesus.

E kier pa bo duda (Santiago 1;5-8).

E kier pa bo tin miedo (Salmo 34:4).

E no kier pa bo congrega of mihor bisa bay iglesia(Hebreonan 10: 25).

E no kier pa bo honra

bo tata y bo mama (Efesionan 6:1-4).

Tene cuenta locual e palabra di Dios ta bisa: No stima mundo, ni e cosnan cu tin den mundo, si un hende ta stima mundo, e amor di e tata no ta den dje.Pasobra loke tin den mundo, e deseo di carni, y e deseo di wowo,y e orguyo di bida, no ta bin di e Tata, sino di e mundo. Y e mundo ta pasa bay cu su deseonan tambe, ma esun cu haci e boluntad di Dios ta permanece pa semper. (1 Juan 2:15-17).

Nos lucha no ta contra carni y sanger,sino contra e gobernantenan, contra e podernan,contra e forsanan mundial di scuridad aki, contra e forsanan di maldad den lugarnan celestial.

Pesey nos tin di para firme y fiel tur momento, y no trata di biba dos bida, pero poniendo Cristo Hesus na prome lugar den nos bida y evita di tur forma cu satanas por cohe bentaha den nos bida.

Ta tempo pa aparta for di tur clase di maldad,aparta for di hende cu ta papia malo di Dios,aparta for di inmoralidad, y ban busca Dios berdaderamente di curason.

Sinceramente, Pastor Marcel Balootje.

SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

COSNAN GRANDI DIOS TA HACI CELEBRANDO 25 ANJA DI MARATHON DI ORACION NA HIT 94

Cu gran goso nos ta anuncia, cu diabierna awor 18-4-2025 cuminsando for di 6am (seis'or di mainta), te cu 8pm (Och'or di anochi), nos lo tin un marathon di oracion clamando na Dios pa tur cas tur famia, pa nos hubentud, matrimonio, etc..

Lo tin un gran marathon di oracion en vivo for di studionan di HIT94FM pa mundo henter, tambe riba fb, internet, y via plataforma di 24ora.com.

Nos ta celebrando tambe 25anjabando e evangelio , alabansa y adoracion tur diadomingo,for di 6am te cu 9am den nos programma Aruba Alaba Senyor.

Awor cu ayudo di Dios, nos ta bay cuminsa un proyecto grandi pa ofrece un servicio altamente necesario;

E plan ta pa construi un Rehab Center pa Damas,pa asina frena e adiccion di droga y alcohol, cu ta atacando fuertemente e ser femenino.

Nos mester atende e asunto aki cu urgencia pa e no sali for di man, pasobra lo ta tristo mira mas hende muhe den adiccion di droga y alcohol.

Mientras cu tur hende su bista ta fiha riba hende homber, cu nos tur ta yama choller, na e otro banda e ser femenino , tambe ta cay den mesun tentacion.

Ya nos tin trailernan cu cuminsa cu nan

reparacion, pasina usa nan como local di instruccion y oficina pa asina cuminsa yuda den e proyecto grandi aki.

Mas despues lo bini un lokaal grandi caminda esnan cu mester di ayudo por keda, y wordo rehabilita.

E plan ta pa cu yudansa di Dios, y cu entrenamiento,ensenansa y productividad cambia bida di esun cu a cay den droga lante bek y hacie un persona util pa comunidad.

Y pa haci esey nos mester di ayudo di henter pueblo di Aruba y Caribe Hulandes, pa asin nos por yega na 10.000 persona cu por haci un donacion di 25, 00 florin pa asina nos por yega na 250.000,00 florin y cuminsa cu e proyecto, pasobra e tereno ta pidi y paga caba, mester sera e tereno y cuminsa construi.

Nos tin pleno confiansa cu di parti di gobierno nos lo wordo yuda.

Nos sa cu tur cos ta posibel pa esun cu ta kere, y cu fe y confiansa den Dios, nos ta pidi pueblo henter pa uni den oracion , diabierna awor hunto cu nos, pasobra ta un mandato di Dios pa nos uni den oracion (Mateo 18:19).

Y nos tin e pleno confiansa cu Dios lo toca curason di hende pa nan duna y cu nos por alcanza e suma cu nos mester pa cuminsa cu e proyecto. Nos tin mester di 10.000 hende of mas cu nan curason ta alegre



pa duna , ora nan ta sinti e necesidad cu mester cumpli cune.

Atentamente,
Marcel
Presidente:

Balootje,

Fundacion E Fortaleza y
Sosten Pa Famia.

Oracion di dia

UN DIA FRUCTIFERO Y CU E LUZ DI CRISTO POR BRIYA DEN CADA UN DI NOS

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

DIRECTORA DI GABINETE DI ARUBA A FIRMA REGISTRO DI CONDOLENCIA NA EMBAHADA DOMINICANO

Den Haag – Directora di Gabinete di Aruba Joselin Croes LL.M./M.sc a firma awe diamars 15 di April e registro di condolencia na e embahada di Republica Dominicano na Den Haag. E embahada a habri un registro di condolencia pa e victimanan di e tragedia na e club nocturno Jet Set na Santo Domingo.

Señora Croes a expresa den nomber di Gabinete di

Minister Plenipotenciario di Aruba su mas sincero palabranan di pesame pa e perdida grandi aki. E tragedia aki no solamente tabata tin un impacto grandi na Republica Dominicano, pero tambe na resto di mundo. E pueblo di Aruba tin e victimanan den nan oracion, tabata palabranan di Directora di Gabinete di Aruba Joselin Croes den e registro di condolencia.



CURUBA: UN CELEBRACION DI JAZZ ANTIANO NA CAS DI CULTURA

Oranjestad, Aruba, 15 April, 2025 — Join nos pa un anochi inolvidabel di Jazz Antiano na Cas di Cultura su concierto di CurUba dia 2 di Mei. E evento special aki ta trese huntu un lineup estelar di artistanan internacional di Hulanda y Caribe, entre nan Vernon Chatlein, Lidrick Solognier, y Randal Corsen. Nan lo wordo uni pa talentoso artista local Reno Steba, primintiendo un fusion

di estilonan musical cu ta celebra e herencia cultural rico di Caribe. CurUba ta ofrece un oportunidad raro pa experencia e ritmonan vibrante y melodiosos yen di alma cu ta defini Jazz Antiano. For di influencianan tradicional di Caribe te na improvisacionnan moderno di jazz, e concierto ta priminti un presentacion dinamico, transcultural cu ta resona

cu amantenan di musica di tur antecedente. Carchinan ta obtenibel na Cas di Cultura, Plaza Book Shop y online via Pay.aw. E evento aki ta wordo sostene cu orguyo pa Fonds Podiumkunsten / Performing Arts Fund NL, como parti di e mision di Cas di Cultura pa trese experencianan artistico exepcional pa Aruba y fomenta intercambio cultural significativo.

